

**ARABAKO TXIRRINDULARITZA
FEDERAZIOAREN LEHIAKETEN
ARAUTEGIA**

AURKIBIDEA

- I. TITULUA: XEDAPEN OROKORRAK
- II. TITULUA: BANAKAKO ETA TALDEKAKO LIZENTZIAK
- III. TITULUA: ANTOLATZAILEAK
- IV. TITULUA: PROBAK
- V. TITULUA EPAILE ARBITROAK
- VI. TITULUA ARAU TEKNIKOAK

I. TITULUA –XEDAPEN OROKORRAK

1. ARTIKULUA

Arabako txirrindularitzako lehiaketa ofizialak Arabako Txirrindularitza Federazioak kalifikatzen eta agintzen ditu.

Arabako lehiaketa ofizialak izango dira Federazioak ofizialtzat kalifikatzen dituenak, Araban ospatzen direnak eta Egutegi ofizialean biltzen direnak.

Lehiaketetan Arabako Federazioko lizentzia duten kirolariek baino ezin izango dute parte hartu, eskubide guztiakin.

Arabako Txirrindularitza Federazioak lehiaketa mistoak antolatu eta baimendu ahal izango ditu, hots, Arabako Federazioko kirolariek nahiz beste lurralde edo erkidego batzuetakoek parte hartuko dituzten lehiaketak. Kasu honetan Arabako Federazioko kirolariek baino ez dituzte eskubide guztiak izango. Arabako Txirrindularitza Federazioak ezin izango du diziplina ahalmena erabili Arabako lurraldean federatu gabeko kirolarien kasuan.

2. ARTIKULUA

Arabako Txirrindularitza Federazioak ahalmena izango du lehiaketa ofizialtzat kalifikatutakoak antolatzeko, edo hauen antolaketa eta garapen guztia edo zati bat hirugarrenei eskuordetzeko.

3. ARTIKULUA

Arabako Txirrindularitza Federazioak, urtero, bere lehiaketa ofizialak jasoko dituen egutegia onartu eta argitaratuko du.

Gainera, egutegi horrek bere lurralde eremuan egingo den edozein lehiaketa, ofiziala izan zein ez, jaso ahal izango du, Federazioak horren antolaketan edo garapenean parte hartu zein ez.

4. ARTIKULUA

Lehiaketak kategorien arabera egin daitezke, guztiak edo horietariko baten bat bilduz. Gai hori urtero erabakiko da, probak eta dagozkien egutegia onartzerakoan.

II. TITULUA – BANAKAKO ETA TALDEKAKO LIZENTZIAK

5. ARTIKULUA

Kirolarien lizentzietan adina zehaztuko da eta baita talde bateko kide diren ere.

6. ARTIKULUA

Urtero, adinaren arabera kategoriak zehaztuko dira.

7. ARTIKULUA

Kluben lizentziak desberdinak izan daitezke kontuan izanik beren kirol modalitateak eta taldeak dituzten edo ez.

Gainera, beren klubeko kirolariei laguntzen dieten zuzendariak, teknikariak, laguntzaileak, medikuek, etab. Federazioak funtzio bakoitzerako emandako lizentzia izan beharko dute.

III. TITULUA – ANTOLATZAILEAK

8. ARTIKULUA

Lehiaketa edo proben antolatzaileak, klub lizentzien titular izan zein ez, urtero erabakitzen diren antolaketari, langileei, segurtasunari, etab. buruzko baldintzak bete beharko dituzte.

9. ARTIKULUA

Antolatzaileak pertsona fisiko edo juridikoak, publikoak edo pribatuak izango dira.

IV. TITULUA - PROBAK

10. ARTIKULUA

Lehiaketa edo proba ofizialak errepidekoak, pistakoak edo zelaikoak izango dira. Era berean, probak kanpokoak zein barnekoak izango dira.

11. ARTIKULUA

Probak banaka, taldeka edo klubeka izan daitezke.

12. ARTIKULUA

Probek egun bateko edo batzuetako iraupena izango dute, jarraian izan zein ez. Lehiaketak proba desberdinak edo horien multzo baten hautaketa edo kopuru zehatz bat puntuatzeko moduan antolatuak egongo dira.

13. ARTIKULUA

Probaren Araudiak honako hau zehaztu beharko du:

- Lehiaketaren sistema
- Kategoriak
- Puntuatzeko era, bere kasuan
- Ospatuko den/diren eguna/k

Era osagarrian, probaren ospakizunerako, baimena, aseguru eta osasun estaldura eta Epaimahai Teknikoa izan beharko ditu.

Era berean, Araudian gomendagarritzat hartzen diren arauak sartuko dira, beti ere Arautegi honi edo kirol arauari edo teknikoei kalterik egin gabe.

V. TITULUA – EPAILE ARBITROAK

14. ARTIKULUA

Proba guztiek epaile arbitroak izango dituzte, aipatu proben arautegietan zehaztutako kopuruan eta kategorian.

15. ARTIKULUA

Arabako Txirrindularitza Federazioko epaile arbitroek Federazio honek izapidetutako lizentziak izango dituzte.

Beharrezkoa balitz, beste lurralde-eremuetako edo erkidegoetako federazioetako epaile arbitroak deituko dira.

16. ARTIKULUA

Epaile arbitroak Epaimahai Tekniko batean egon ahal izango dira, proben gorabeherak erabakiko dituzte azken auzialdian, eta baita irizpide objektibo edo teknikoetan oinarrituta, egin edo planteatu daitezkeen erreklamazioak edo aurka-egiteak ere.

17. ARTIKULUA

Epaile arbitroek ahalmena izango dute proba eta bertan parte hartzen dutenak zuzentzeko, eta baita partaideen jokaera kalifikatzeko eta zigorrak jartzeko.

VI. TITULUA – ARAU TEKNIKOAK

18. ARTIKULUA

Antolatzaileek, kirolariek eta, oro har, probetan edo lehiaketetan parte hartzen duten guztiek UCIk emandako eta Federazioek, beren organoen bidez, onartutako araudi teknikoa izan eta aplikatuko dute.

19. ARTIKULUA

Arau teknikoak beti federatu guztien eskura egongo dira.

Vitoria-Gasteiz, 2007ko otsailaren 8an